



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

82. Necromantes fidem impugnat. Christ.

urn:nbn:de:hbz:466:1-10757

Inde igitur Buzomij nutibus integrè mancipatus, eruditus est ad Magisterium plurimorum peculiari cura, Damiani nomen cum baptismo accepit, remissusque in suum oppidum ea statim suis susceptæ fidei edidit documenta ut de illa iam ambigeret nemo; templum enim moer iratus subire, quod ipse fundarat, ornatat idolis, & suo sacrificii ministerio; idolorum stragem contumeliosam in eo facere, nullo eorum vestigio nisi ad ludibrium relicto; templi vice haud procul sacram ædiculam condere, ad quam attonitis populis, dum mutationis tam subitæ causam rogitantibus exponit, eadem opera Deum unum, immortalitatem, felicitatem, ignes sempiternos, ad multorum ultores criminum insinuat, & semi iam doctos, Nuocinanum designat perficiendos à Buzomio & beati fontis ablutione expiandos. Alium paulo post idem Buzomius haud minoris notæ ac ponderis, Literatum Bonzium ex vaferrimo fraudum artifice Christi præconem fecit criminum; nam vitali ex aqua Iosephi nomine renatus, sexaginta mox parens euasit animarum, quæ primigenia fuere nascentis illic Ecclesiæ liba, vbi suo cuiusdam idolo positum olim ære suo templum, vero Deo addixit Saluatori, statuta in altari eius effigie. Post cœnobium Bonziorum, aditum quoque ad viros Principes inuenit Christus. Huic verbis Præfectus, natorum maximam non inuitus dedit, maturi puerum supra ætatem iudicij; indole atque ingenio, ad virtutem & literas mirè idoneum, summæque amabilitatis. Eum Buzomio domi educandum parens crediderat, vbi per se puer obseruata nostrorum omni ratione argumentatus est, veram esse omnino, & sanctam legem quæ Magistrorum expressa moribus, omnem transcenderet Bonzij cuiusvis excellentiam, & virtutem. Quo puer annorum haud plus quatuordecim, argumenta teneritatem vicit paterni amoris, impetrauitque ex eo ut sibi liceret fieri Christiano; quod per baptismum assecutus, incredibile sit quot & quam insignibus fidelitatis minimè puerilis, & pietatis intimæ exemplis, quanta sponderet in posterum.

Sed Pulocambi secundis flatibus diuini spiritus elidendis obicit demon artes consuetas. Pamosus Necromantes fabulatus est contemplatum se animum ex magico speculo, haud pridem sacro sanctam baptismate, paulo post mortuam, dira extremis in inferis luentem supplicia. Squalore, macie, lachrymis, desperatione perditam, & horribili oculorum orisque totius specie, quæ inter medios quibus deuorabantur ignes sero lamentaretur simplicitatem suam, quæ se cultu abiectio Coccincinensium Deorum, veteratibus ab Occidente circumforantibus aqua præbuisse execrabili tingendam quæ facit Christianos. Se nunc id facinus cruciatu inexplicabili pendere; proin si qua illum suorum, & patriæ moueret cura, denuntiaret iis suo nomine, à fallacibus illis occidentalibus barbaris quàm longissimè cauerent, nisi vellent id crimen iisdem secum poenis rogorum atrocium emere. Hæc dum passim cantaret homo scelerosus, velut ictus suorum charitate, & verba de-

81.
Necromantes fidem impugnat. Christ.

mortuæ concepta iteraret, dici vix potest quantum iis terrorem iniecerit, qui in procinctu ad baptismum stabant. Verum hoc alius multo nocentior etiam aliquos euerit Neophytos, nonnullos, qui magno in numero nunquam defunt, veteranos licet, in frigus lethale fidei induxit. Auctore incerto, sed tanquam è cælo vulgarum est, Patres colla eorum quos tingebant, dum precatoreis coronis redimirent, animas pariter ita illigatæ, ut transmissæ in alia corpora iisdem vinculis tenerentur. Sic procul patria miseris in Occidente renasci seruos, nulla vnquam spe libertatis, quod essent semel à Patribus illo coronarum occulto vinculo in æternam obstricti seruitutem. Eo consilio in Cocincina Patres à Lusitanæ Rege ali ut iis coloniis regni sui deserta frequentaret; vtereturque velut oneratis iumentis; eodem Patres doctrinam, ministeria, operam, res sacras dare Christianis gratuita: ad hoc porro spectrum tam formidabile à vulgi conspectu amouendum, comprehendi vix possit quantum sudarit Buzomius, quamuis parum apud aliquos ex voto, quibus animo infedisset incantamenti vim fore irritam, si à Christianismo deficerent, qua delusi fraude, ad euitata idola rediere. Sed ab hoc portento, quam immani tam exitiali liberare deliro, satagentem periculum grauius aliò auertit.

Erat nostris vicinum ædibus templum quoddam multitudine statuarum, & concursu populi olim sanctum; nostrorum tunc vicinia infrequens, & propè desertum. Die ergo quodam ex inopinato, en omnium conspici signorum cadauera, diruta, humi strata, trunca, membratim huc illuc dissipata, tam meditato eorum ludibrio, ut ad faciendam Christianis inuidiam & proritandum in eos populum conscitum videretur. Latebat facti auctor, sed communis rumor sacrilegissimo transfugæ adscribebat, qui eiurato baptismati, & Patribus, erat idololatra quouis infensior; causam is nactus qua nulla vberior ad exsaturandam rabiem, & exterminandos saltem Nuocmano Patres, stragem Illorum Deorum is vltro imputat, testem rei se iactat oculatum, hortatur populum strage in Patres consimili, offensos Deos vlciscatur; quo voces improbi & fungi hominis frigide audiente, prodit Bonzius quondam Mandarinus, tunc diis attonsus, & vindex patrati in eos sceleris. Mandarinos appellat minoris subsellij duos qui paucis ab vrbe milliariibus habitabant, causam, suopte ingenio concinnat sed qualem decuit ab eiusmodi Architecto condi; P. Buzomium phalange valida Christianorum trecentorum (quorum tres citabat de nomine) templum maius Nuocmani aggressum, confusis suorum vocibus stragem Deorum Cocincinensium poscentem, deturbasse omnes altaribus, proculcasse, fregisse; ac dispuluerasse; ventum inde ad sacras ædículas antiquis regibus dicatas qui regni tutelares, & Præsides Semideorum titulo colerentur &c. Hæc ut impudentius mentiretur iudicium fecit absentia, & vetus auctoritas actoris. Delatam litem arripiunt auidè, Buzomium quem prorsus non norant, eiusque socios, Bonzio rescribunt se pro sacrilegis damnandos;

81.
Itemque ex
Metempsychosi.

83.
Idola confecta falso
PP imputantur.